

之疾亦是和解隨證調理縱有虛寒極冷之候亦宜用性溫平和之藥救療漸次加進大溫藥調治切戒粗疎若依此說則產後胎前百無一失不可取目前之急亂投湯劑反致其禍罪福非輕切須記之

大當歸湯治臨產腹痛難起痛生理未順破水已行血道凝滯經一二日皆因驚動稍早與催生藥急以致如此且須順調產母多進此藥自然安泰

川當歸 地黃 川芎

白茯苓 甘草 赤芍藥

熟枳殼各半 桂心二錢

右每服三錢水一盞煎七分入滴乳香末一字煎一沸溫服不拘時候或兒身已下而胎衣未即來且須斷帶以物繫之進黑神散及奪命丹并此藥如兒已下腹尚滿仍服小黑神散打醋炭調和胃氣無令粥食缺少如能飲者少與酒亦加不可過多乳香湯亦可
托珠丹治催生要認得是正產時腰腹墜痛

不可勝任方可進此但要進得一兩九產理自然順快無憂疑然亦須不會輕進此藥則功效可必矣

車前子四兩淘洗
免絲子淘洗酒蒸焙

右二味擇逐月上七日晴明良吉用鴉酸俗名婆娑酸草揉自然汁少許添酸醋炒麵糊為丸雞頭子大用辰砂為衣陰乾每服半丸或一丸用老鴉酸葉搗自然汁磨化添入百沸醋湯調服

乳香湯通明滴乳不問多少為末如覺腰腹痛急且先用此每服一匕或半盞沸湯煎服偶遲滯則是坐草早致令有不順亦宜服之能酒人以酒調服亦可取其通經絡去滯定痛止疼於產母甚有益然亦不可過多恐傷兒骨力也
治難產第一方金箔三片免毫筆頭三箇燒灰

右為末用黃蠟為丸如梧桐子大此料為一服九酒下如又經日不生用雲母粉半

兩渣過研細取一團如雞子大臨時以無灰酒下此方已活三五千人矣
神應散療橫生逆生甚者每服即分塊

百草霜 白芷等分

右為末每服二錢童便好醋各一茶脚許調更以沸湯浸起服

治死胎不出朴硝二錢為末童便調下又死胎不下其證指甲青舌青脹悶甚者口如屎臭先以平胃散一貼作二服每服水酒各一盞同煎至一盞却投朴硝末再煎三五沸傾出候微溫服盡其胎即化為血水而下

探胎湯治驗婦人三箇月經不行以此認之是否妊娠
川芎為末

右用艾湯空心調服覺微動則是胎若臍下動及不動此皆血癥也可用行血藥治之宜早

萬方散

蒼木末 陳皮去白 青皮去白
軍姜炒 良姜炒 粉草各半斤

砂仁去毒 草果炒各 益智炒

丁香不見火 香附子洗 杜烏藥炒

紫蘇炒 厚朴去粗皮 桂枝不見

大腹皮四兩淨洗 右每服水一盞半生薑五片同煎七分去

滓空心服要溫切忌生冷毒物

腹疼加小茴香一撮四肢浮腫加陳蘿蔔

子炒入冷氣加吳茱萸炒入腰脚疼加川

牛膝酒洗不見火木瓜剉頭疼風證者加

防風去蘆北細辛去葉或加川烏湯炮去

皮尖生用焙姜汁煎四肢骨節痛加小茴

香炒感風惡寒者加葱白煎熱加葱白

熱退則止心氣不通喘急加麥門冬去心

每三粒或加燈心三寸作渴加烏梅每半

箇或加粉葛咳嗽加桑白皮向東取去粗

皮剉蜜炒乾再入蜜炒傷肺者加北五味

子或桑葉一皮向東取五心煩熱小便赤

加車前草節根蔗或燈心經脈來不已加

燒棕灰存性泄瀉加炒糯米一撮或肉豆

蔻催生用苧根三莖經脈敗正膠艾湯經

脈不勻加北艾葉浸洗炒乾用醋

真料濟陰丹治胎前產後百疾

淨香附子八兩二兩以咀好醋浸二兩

無灰酒浸二兩盞湯浸二兩用二三歲

童便浸一日夕長流水洗如無童便用

姜汁艾煎汁浸亦可已上共炒乾以

烏藥 當歸 澤蘭 赤芍 百草霜

陳皮 川芎 五靈脂 熟蒼木

右件共十一味為末醋煮麩糊為丸每服

三十九諸疾各湯使無孕加三稜義木白

芷各一兩桂半兩四味為末醋糊丸服產

後加百草霜或添益母草蜜浸炒乾為末

入煎藥內用

急救仙方卷之四

急救仙方卷之五

濟陰品四十一註

調經

婦人經血有七七七七通行病難識非寒非

熱及頭疼次第調經不須夫

正胃湯

半夏

陳皮

右用姜煎空心服

平胃湯

人參

宿砂

右為末空心白湯調下

漏胎腹痛

漏胎下血不須醫乾熱孩兒梅莫追方內有

湯名縮住皆因妊母受災危

九婦人三兩月或五七月時下血塊多不

治曰漏胎

縮住湯

宿砂仁一兩 益智仁一兩

縮住湯